

書名 杜氏通典二百卷 嘉靖十八年西樵方獻夫刊本

撰者 唐 杜佑 撰，明 王德益、吳鵬 同校

卷 卷五十七

內容分類 史·政書·歷代通制

索書號 貴重-17

編號 B3510400

卷五十七



[彩色首頁1](#)

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本全文影像資料庫 索書號: 貴重-17](#)

[漢籍善本全文影像資料庫文本 杜氏通典二百卷 嘉靖十八年西樵方獻夫刊本](#)

版權所有: [東京大學](#) [東洋文化研究所](#)

[使用上的注意事項](#)

杜氏通典卷第二十五

職官七

諸卿上 總論諸卿

太常卿 丞奉禮郎主簿 博士 太祝 兩京郊社署

太樂署 鼓吹署 太醫署 太卜 廩犧 汾祠 太公廟等署

光祿卿 丞良醞署主簿 掌醢署 太官署 珍羞署

衛尉卿 丞守宮署主簿 武庫署 武器署 左右都候

宗正卿 丞諸陵署主簿 太廟署 崇玄署

太僕卿 丞典牧署主簿 車府署 乘黃署 諸牧監 典廐署

大理卿 正司直丞評事監 獄丞

諸卿附 少卿

杜氏通典卷第五十六終

杜氏通典卷第五十七

禮十七 嘉二 沿革十七

君臣冠冕巾幘等制度

冕 大裘冕 衮冕 鷩冕 毳冕 絺冕
平天冕 蒼冕 青冕 黃冕 素冕

玄冕 通天平冕 象冕 山冕
黑冕 赤冕 藻冕 方冕 火冕 祀冕

緇布冠 進賢冠 牟追冠 章甫冠 委貌冠

通天冠 長冠 劉氏冠 齋冠

遠遊冠 具服遠遊冠 公服遠遊冠 高山冠 側注冠

法冠 獬豸冠 柱後惠文冠 建華冠 鷩冠

趙惠文冠 武冠 繁冠 武弁 建冠 火冠 鷩冠 鷩冠 鷩冠

方山冠 巧士冠 却非冠 樊噲冠

術士冠 却敵冠 進德冠 翼善冠

皇收冕 皮弁 韋弁

幘童子幘 空頂幘 納言幘 赤幘 細幘

幘素幘 黑幘 紺幘 綠幘 青幘

幘白幘 皮帽 白帽 翠帽 高頂帽

葛巾角巾 幅巾練巾 巾子

君臣冠冕巾幘等制度

上古衣毛冒皮後代聖人見鳥獸冠角乃作冠纓黃

帝造冕旒始用布帛冕者冠 唐虞以上冠布無纓

節夏后以牟追音丁 以收所以收 髮 啍制章甫或以殷

章明也言以表明丈夫甫或為父罕覆也自覆飾啍音沈甫反形制並無文至周六

冕章數始備故孔子曰服周之冕言中禮也洎乎

厲衰微秦焚六籍圖寫紛雜記注混淆今徵其實錄

摺拾公革為冠冕篇云

冕大裘冕 衮冕 鷩冕 毳冕 絺冕

玄冕 通天平冕 平天冕 象冕 青冕

山冕 黃冕 赤冕 素冕 黑冕 祀冕

有熊氏 周 秦 後漢 魏 東晉 宋 齊 梁 陳

北齊 後周 隋 大唐

黃帝作冕垂旒目不邪視也充纊耳不聽讒言也

世○周制弁師掌王之五冕皆玄冕朱裏緹紐冕服

而言五者大裘之冕蓋無旒不聯數也緹冕五采之覆在上是以名焉紐小鼻在武上弁所貫 十有二就皆五采玉十有二玉笄朱紘緹雜文之名



之繩垂於纒前後各十二所謂遠纒也就成也繩之
每一匝而貫五采玉十二旒則十二玉也每就間一
寸朱紘以朱組為紘紘一條繩屬兩端於武纒此謂
衮衣之冕十二旒則用玉二百八十八驚冕纒九旒
用玉二百一十六毳冕七旒用玉一百六十八綸者
冕五旒用玉一百一十二玄冕三旒用玉七十二
侯及孤卿大夫之冕各以其等為之各以其等者纒
玉如其命數冕
則侯伯纒七就用玉九十八子男纒五就用玉五十
纒玉皆三采孤纒四就用玉三十二三命之卿纒三
就用玉十八再命之大夫纒再就用玉八纒玉皆朱
綠禁令不得相僭踰○秦滅禮學郊
社服用皆以衲玄以從冕旒前後遠紘蔡邕獨斷云
衲糾縉也班
固東都賦注云○後漢光武踐祚郊祀天地明堂皆
衲阜也衲音鈞○冠旒冕孝明帝永平初詔有司采周官禮記尚書羣
陶篇夏侯氏說冕皆廣七寸長尺二寸前員後方朱
綠裏玄上前垂四寸後垂三寸係白玉珠為十二旒

蔡邕獨斷云九旒也以其綬采色組纒禮記曰玄冠朱組纒天子之服也其旒珠用真

白三公諸侯七旒青玉為珠卿大夫五旒黑玉為珠
皆有前無後各以其色綬為組纒旁垂黻纒助天子
郊祀天地明堂則冠之○魏因漢故事明帝好婦人
之飾冕旒改用珊瑚珠晉因之○東晉元帝初過江
服章多闕而冕飾以翡翠珊瑚珠侍中顧和奏曰舊
禮冕旒用白玉珠今美石難得不能備可用白玉璇
珠從之後帝郊祀天地明堂宗廟元會臨軒改服黑
介幘通天平冕阜表朱綠裏廣七寸長一尺二寸加
於通天冠上前圓後方垂白玉珠十二旒以朱組為
纒無綉玉公卿助祭郊廟冠平冕玉公八旒卿七旒

組爲纓色如綬也。○宋因之更名曰平天冕。天子郊祀及宗廟服之。王公並用舊法。○齊因之。梁因之。其制前垂四寸後垂三寸。旒長齊肩以組爲纓色。如其綬旁垂黹纒充耳珠以玉瑱乘輿郊祀天地明堂享宗廟元會臨軒則服之。五等諸侯助祭平冕九旒青玉爲珠有前無後各以其纓色爲組纓旁垂黹纒。○陳因之以爲冕旒皇太子朝冠遠游冠侍祭則平冕九旒五等諸侯助祭郊廟皆平冕九旒青玉爲珠有前無後各以其纓色爲組纓旁垂黹纒。○北齊採陳之制旒玉用五采以組爲纓色如其纓其四時郊祀封禪大事皆服衮冕皇太子平冕黑介幘白珠九旒

飾以三采玉以組爲纓色如其纓未加元服則空頂黑介幘雙童髻雙玉導。○後周設司服之官掌皇帝十二冕祀昊天則蒼冕五帝各隨方色朝日用青冕夕月用素冕地祇用黃冕神州社稷用玄冕享先王加元服等以象冕享諸先帝食三老五更耕籍等以衮冕視朔大射饗等以山冕視朝臨法門適宴等以鷩冕皆十二旒帝弁皮弁者見下文諸公之冕九方衮山鷩火毳等六皆九旒青弁皮弁玄冠三合上爲九諸侯八無衮冕諸伯七又無山冕諸子六又無鷩冕諸男五又無火冕冕五旒三公之冕九祀火毳藻絺爵弁等冕六青弁皮弁玄冠合上九三孤自祀冕而下八無

火冕公卿七又無毳冕上大夫六又無藻冕中大夫
五又無皮弁下大夫四又無爵弁士服三祀弁爵弁
玄冕庶士玄冠而已其弔服諸侯當事則弁經不則
皮弁以下亦如之。○隋採北齊之法衮冕垂白珠十
二旒以組爲纓色如其綬黼纁克耳玉笄太子庶子
裴正奏色並用玄旒齊於膊唯應著幘者任依漢晉
法皇太子衮冕垂白珠九旒青纁克耳犀笄國公冕
青珠九旒初受冊命執贄入朝祭祀親迎三公助祭
並服之侯伯則驚冕子男則毳冕五品以上絺冕九
品以上爵弁。○大唐依周禮制天子之六冕有大裘
冕衮冕鷩冕毳冕絺冕玄冕大裘冕無旒廣八寸長

一尺六寸

玄表纁裏以下廣狹佳此

金飾玉簪導

釋名云簪建也所以建冠於後

也亦謂之笄所以拘冠使不墜也導以櫛髮使入中幘之中

以組爲纓色如其綬

祀天地神祇服之衮冕

如金飾

垂白珠十有二旒以組

爲纓色如其綬黼纁克耳玉簪導諸祭祀及踐祚享

廟遣上將征還飲至加元服元日受朝等服之鷩冕

有事遠主服之

按周禮遠主謂先公

毳冕祭海嶽服之絺冕祭

社稷饗先農服之玄冕蜡祭百神朝日夕月服之自

衮冕以下旒數並依周禮皇太子衮冕白珠九旒諸

臣衮冕青珠九旒青纁克耳簪導鷩冕七旒第二品

服之毳冕五旒第三品服之絺冕四旒第四品服之

玄冕三旒第五品服之龍朔二年九月司禮少常伯

孫茂道奏稱准令諸臣九章服君臣服冕章數雖殊飾龍名裘尊卑相亂今請諸臣九章衣以雲及麟代龍升山爲上仍改冕名當時紛議不定至儀鳳二年十一月太常博士蘇知機上言曰前龍朔中孫茂道奏請諸臣九章服當時竟未施行今請制大明冕十二章乘輿服之加日月星辰龍虎山火麟鳳玄龜雲水等象警冕八章三公服之毳冕六章三品服之絺冕四章五品服之詔下有司詳議崇文館學士楊炯奏白謹按虞書予欲觀古人之象日月星辰山龍華蟲作繪宗彝藻火粉米黼黻絺繡由此言之則其所從來尚矣逮及有周乃以日月星辰爲旌旗之飾又登

龍於山登火於宗彝於是制衮冕以祀先王也九章者法陽數也以龍爲首章衮者卷也龍德神異應變潛見表聖王深沈遠智卷舒神化也又制警冕以祭先公也警者雉也有耿介之志表公有賢才能守狷介之節也夫以周公之多才也故化定制禮功成作樂夫以孔宣之將聖也故行夏之時服周之冕先王以法服乃此之自出也天下之能事於是乎畢矣今蘇知機請制大明冕十二章乘輿服之者謹按日月星辰已施於旌旗矣龍虎火者又不踰於古矣而云麟鳳有四靈之名玄龜有負圖之應雲有紀官之號水有盛德之祥此蓋別表休徵終是無踰此象然則

皇王受命天地與符仰觀則璧合珠連俯察則銀黃
王紫此固不可再陳於法服也若夫禮唯從俗則命
為制令為詔乃始皇之故事猶可以適於今矣若夫
義取隨時則出稱警入稱蹕乃漢國之舊儀猶可以
行於代矣亦何取於變周公之軌物改尼父之法度
者哉由是竟寢知機所請

緇布冠進賢冠○周後漢晉宋唐

周制士冠禮云緇布冠類項青組纓屬於類緇布冠

隅為四綴以固冠頂中有緇亦猶固類為以為始冠

之冠而弊之可也初加緇布冠再加皮弁次○後漢

改之制進賢冠為儒者之服前高七寸後高三寸長

八寸公侯三梁中二千石以下至博士兩梁梁色

石以下小吏私學弟子皆一梁○晉因之天子元服

始加則冠五梁進賢冠三公及封郡公縣侯鄉亭侯

則三梁卿大夫下至千石則兩梁中書門下至門郎

小吏並一梁○宋因之為儒冠○齊因之為開國公

侯下至小吏之服其以梁數為降殺則依晉制○梁

因之以為乘輿宴會之服則五梁進賢冠○陳因之

為文散內外百官所服以梁數為高卑天子所服則

五梁○北齊進賢五梁冠不通于下○隋因陳制內

外文官通服之降殺一如舊法○大唐因之若親王

則加金附蟬為飾復依古制緇布冠為始冠之冠進

賢緇布二制存焉

牟追冠章甫冠 周 委貌冠 宋 夏

夏后氏牟追冠長七寸高四寸廣五寸後廣二寸制如覆杯前高廣後卑銳。殷因之制章甫冠高四寸半後廣四寸前櫛首。周因之制委貌司服云凡甸冠弁服甸田獵也 弁委貌也。漢制委貌以阜繪爲之形如委穀之貌上小下大長七寸高四寸前高廣後卑銳無笄有纓行大射禮於辟雍諸公卿大夫行禮者冠之。宋依漢制

通天冠秦 漢 晉 宋 齊 陳 北齊 隋 大唐

秦制通天冠其狀遺失。漢因秦名制高九寸正豎

頂少斜却乃直下爲鐵卷梁前有山展筓爲述筓絞

犀簪導乘輿所常服。晉依漢制前加金博山述乘

輿常服述即鷓也 鷓知天雨 故冠像焉前有展筓。宋因之又如黑介幘

舊有冠無幘幘冠理展筓前代古圖 畫三皇五帝或有服通天冠深誤矣。齊因之東昏

侯改用玉簪導。梁因之復加冕如其上爲平天冕

此復依 晉冕法。陳因之。北齊依之乘輿釋奠所服。隋

因之加金博山附蟬十二首施珠翠黑介幘玉簪導

朔日元會各朝會諸祭還則服之。大唐因之其纓

改以翠綾

長冠劉氏冠 齊冠 漢 晉 梁

漢高帝採楚制長冠形如板以竹爲裏亦名齋冠後

以竹皮爲之高七寸廣三寸以高帝所制曰劉氏冠
故爲享廟之服敬之至也鄱人或謂之鵲尾冠○晉依之去竹
用漆纒救日蝕諸祀則冠之○梁天監中祠部郎中
沈宏議竹皮冠是漢祖微時所服不可爲祭服宜改
用爵弁司馬聚云若必遵三王則所廢非一武帝竟
不改矣

遠遊冠

具服遠遊冠 公服遠遊冠 秦漢 晉 梁 陳 北齊 隋 大唐

秦採楚制楚莊王通梁組纓似通天冠而無山述有
展筓橫之于前○漢因之天子五梁太子三梁諸侯
王通服之○晉皇太子及王者後常冠焉以翠羽爲
綬綴以白珠帝之兄弟之子封郡王者通服之則青

綵爲綬○梁爲皇太子朝服加金博山翠綬○陳因
之其藻飾服用依晉故事也○北齊依之制五梁冠
乘輿所服不通于下○隋依制三梁加金附蟬九首
施珠翠黑介幘翠綬犀簪導皇太子元朔入廟釋奠
則服之○大唐因之其制具開元禮序例

高山冠

則注冠 秦 漢 魏 晉 宋 齊 梁 陳 隋 大唐

秦滅齊獲其君冠而制之形如通天冠頂不斜却直
豎鐵爲卷梁高九寸無山展筓一名側注冠其體側立而曲

注因以賜近臣中外謁者僕射行人使者等所服○

漢舊儀云乘輿冠高山冠飛月之纓一云飛丹紘裏

按此高山冠以○魏明帝因改之卑下於通天遠遊

除去卷笏加介幘幘上加物以象山行人使者服之
晉宋齊梁陳歷代因之。○隋依魏制參用之形如進
賢冠加三峯謁者大夫以下服之梁數依其品降殺

○大唐因之內侍省内謁者監及親王司閣等服之

法冠解豸冠 柱後惠文冠。秦漢

秦滅楚獲其君冠賜御史以纚為展笏鐵為柱卷取其

不曲撓也一名執法者服之或謂之獬豸冠獬豸神

柱後惠文冠○漢晉至陳歷代相應襲不易。○隋

開皇中於進賢冠上加二真珠為獬豸角形大業中

改制一角或云獬豸神獸蓋一執法者服之。○大唐

法冠一名獬豸冠一角為獬豸之形御史臺監察以

上服之

建華冠鷓冠。漢晉宋

漢制以鐵為柱卷貫大銅珠九枚形以縷鹿薛宗曰

上輪小也記曰知天者冠述知地者履絢左氏傳曰鄭子

臧好聚鷓冠建華是也祀天地五郊明堂舞樂人服

之。○晉及陳代相因不易餘並無聞

趙惠文冠武弁冠 火冠 鷓冠。秦

漢晉宋齊梁

秦滅趙以其君冠賜近臣胡廣曰趙武靈王幼胡服

貴職或以北土多寒胡人以貂皮溫額後代因之亦

曰惠文惠者總也其冠文細如蟬翼故名惠文或曰漢因之曰武弁

一名火冠諸武官冠之侍中中常侍加黃金璫附蟬

為文貂尾為飾侍中插左貂常侍插右貂用赤黑色

王莽用黃貂各隨服色所尚後漢應劭漢官儀曰金取堅剛百鍊不耗蟬取高居食潔貂內勁捍而外温潤

又名鷄鷄冠倉頡解詁曰鷄鷄鷄即翟山雞之幸

臣闡孺為侍中皆服火冠天子元服亦為先加雙鷄

尾豎左右名鷄冠鷄鷄鳥之暴疏者也每所攫撮應瓜摧碎天子武騎故冠之徐廣曰

鷄似黑野雞出上黨○晉依之名繁冠一名建冠一名籠冠即

惠文冠也○宋因之不易○齊因之侍臣加貂蟬餘

軍校武職黃門散騎等皆冠之唯武騎武賁插鷄尾

於武冠上○梁因制遠遊平上幘武冠○陳因之不

易後為鷄冠武者所服○北齊依之曰武弁季秋講

武出征告廟則服之○隋依名武弁武職及侍臣通

服之侍臣加金璫附蟬以貂為飾侍左者左耳侍右

者右耳天子則金博山三公以上玉枝四品以上金

枝文官七品以上眊白筆八品以上及武官皆不眊

筆○大唐因之乘輿加金附蟬平巾幘侍中中書令

則加貂蟬侍左右珥諸武官府衛領軍九品以上等

亦准此

方山冠漢晉

漢制似進賢以五采縠為之祠宗廟八佾四時五行樂人服之冠衣各如其方之色而舞焉○晉因之

巧士冠漢晉

漢制高七寸前後相通直豎似高山冠不常服唯郊
天黃門從宦者四人冠之在鹵簿中次乘輿車前以
備宦者四星云○晉因之自後無聞

却非冠漢 梁 唐

漢制以長冠背縮垂五寸有纓綫宮殿門吏僕射等
冠之○梁北郊圖執事者縮纓綫○隋依之門者禁
防伺非服也○大唐因之亭長門僕服之

樊噲冠漢 晉 宋

漢將樊噲造次所冠以入項羽軍其制似平冕廣九
寸高七寸前後出各四寸司馬殿門衛士服之或曰
常持鐵踏聞項羽有意殺漢王噲即裂裳○晉宋齊
為冠之權盾入軍門立漢王傍視項羽

陳不易其制餘並無聞

術士冠漢 晉

漢制前圓差池四重趙武靈王好服之今不以施用
或曰楚莊王解冠是也○晉因之宋以後無聞

却敵冠晉 陳

晉制之前廣四寸通長四寸後高三寸似進賢冠凡
當殿門衛士服之○陳依之餘並廢

進德冠大唐

大唐制九璫加金飾皇太子侍從皇帝祭祀及謁見
加元服內妃則服之

翼善冠大唐

大唐貞觀中制月一日十五日視朝常服之又與平

巾幘通用臣曰幘頭起於周武帝蓋取便於軍容耳

今四海無虞此冠頗採古法兼類幘頭乃宜常服開

元十七年廢不用乾元元年十月知司天臺韓穎奏

五官正奉勅創置其官職配五方上稽五緯臣請冠

上加一星珠衣從本方正色每至正冬朔望朝會及

諸大禮即服以朝見乃

永為恒式奉勅旨宜依

皇收周 漢 晉 廣冕。虞 夏

有虞氏皇而祭其制無聞蓋爵弁之類。夏后氏因

之曰收收之言所統髮前小後大。殷因之曰哱。哱

出於幘。幘覆也。所以自飾。覆也。黑而微白前大後小。周因制爵弁

爵弁冕之吹也。赤而微黑如爵頭然前小後大三代以來皆

廣八寸長尺二寸如冕無旒皆三十升布為之士冠

禮三加成人服之。漢依周制或云中古以下其制

用絲祀天地五郊明堂雲翹樂舞人服之。晉依漢

制更名廣冕有收持筭服用如舊。隋依以角為簪

導士助君祭服之。大唐因之以紬代布用玄纓簪

導九品以上冠親迎助祭私家祭祀服之

皮弁周 晉 後周 大唐

周禮弁師云王之皮弁會五采玉璫象邸玉笄會纁

璫結也皮弁之纁中每貫結五采玉十二司服云視朝

則皮弁服士冠禮曰三王共皮弁按皮弁韋弁侯伯

飾五玉三采孤璫飾四三命之卿璫飾七玉子男璫

大夫璫飾二玉二采皮弁以鹿皮為之璫音其

晉依舊制以鹿淺毛黃白色者為之其服用等級並

准周官○後周田獵則服之以鹿子皮爲之○隋因之大業中所造通用烏漆紗前後二傍如蓮葉四閒空處又安拳花頂上當縫安金梁梁上加璫天子十二真珠爲之皇太子及一品九璫二品八璫下六品各殺其一璫以玉爲之皆犀簪導六品以下無璫皆象簪導唯天子用金稜後制鹿皮者以賜近臣○大唐因之以鹿皮爲之玉簪導十二璫朔日受朝則服之

韋弁周 後周

周官司服云凡兵事韋弁服以韋爲弁古人謂舊以染韋爲絳○晉以常爲之頂上小尖○宋因之或

爲車駕親戎中外戒嚴之服○後周巡兵即戎則服之自此以來無復其制

幘童子幘 空頂幘 納言幘 赤幘

青幘 素幘 黑幘 緝幘 綠幘

古者有冠無幘其戴也加首有頰所以安物故詩曰有頰者弁此之謂也幘者積也○秦雄諸侯乃加其

武將首爲絳袖以表貴賤其後稍稍作顏題顏音百切反

○漢因續其顏却標之施巾連題却覆之至孝文乃

高其顏題續之爲耳崇其中爲屋上下羣臣貴賤皆

服之文者長耳武者短耳稱其冠也尚書幘收三寸

名曰納言示以忠正明近職也迎氣五郊各如其色

從章服也。武吏常赤幘，成其威也。未冠童子幘無屋者，示未成人也。未入學小童幘勾卷屋者，示尚幼小。未遠冒也。喪幘劫擿及本禮也。蔡邕獨斷曰：幘古者所服也。漢元帝額有壯髮，不欲使人見，始用幘。服之羣臣皆隨焉。然上無巾，王莽頂禿，幘上施屋，壯髮謂額前侵下而生。今制紺幘以齋，青幘以耕，緗幘以獵，俗呼爲主頭者是。制紺幘以齋，青幘以耕，緗幘以獵。綠幘，漢董偃召見服之。○晉因之。○東晉哀帝從博士曹弘等議立秋御讀月令，改用素幘。○宋因之以黑幘。騎吏鼓吹武官服之。其敕日蝕，文武官皆免冠著赤幘。○齊因之以黑幘。拜陵所服。○梁因之以黑介幘爲朝服。元正朝賀畢，還儲更出所服，未加元服則空頂幘。○陳因之。諸軍司馬服平巾幘，長吏介幘。

御節郎黃鉞郎朝服赤介幘，簪筆。○隋依之。天子畋獵，御戎文官出遊，武官一品以下并外流吏等上下通服黑介幘，平巾黑幘。又制綠幘，庖人服之。其平巾黑幘之制，玉枝金花飾犀簪，導紫羅褶。其御五輅人隨其車色。○大唐因制乘輿空頂黑幘，雙玉導加寶飾。祭還及冬至朔日受朝會臨軒拜王公，則服之。黑介幘拜陵則服之。平巾幘金寶飾導簪皆以玉乘馬則服之。皇太子平巾幘乘馬則服之。空頂介幘雙玉導加寶飾謁廟還宮元日冬至朔日入朝釋奠則服之。冠幘五品以上陪祭服之。

晉白幘 梁 烏紗幘 ○ 魏 晉 巾齊 梁 陳 隋 大唐

魏武以天下凶荒資財乏匱擬古皮弁裁縑帛以為

幅苦洽合乎簡易隨時之義以色別其貴賤本施軍

飾非為國容或云本末有岐荀文若巾之行縹樹枝成岐因之為善遂不改國通以慶弔帽

與帽 ○晉因之咸和中制聽尚書八座丞郎門下三

侍官乘車白帽 ○齊依以素為之舉哀臨喪服之 ○

梁因之以代古倭縷為吊服羣臣舉哀臨喪則服之

○陳因之而初婚冠送餞以服之 ○隋依梁不易 ○

大唐因之

帽皮帽 白帽 翠帽 黑帽 高屋白紗帽 高頂帽 岑帽 突騎帽 ○周 魏

晉 宋 齊 梁 陳 後魏 隋 大唐

上古穴居野處衣毛冒皮以此而言不施衣冠明矣

玄仲記云荀 恂始作帽 ○周成王問周公曰舜之冠何如焉曰

古之人上有帽而勾額或云帽名猶冠也義取於加

纏以繒為之後世施幘於冠因裁縷為帽 自乘輿宴居下至庶人無爵者皆得服之 ○魏管寧

在家嘗著皂帽吳書云陸遜破曹休於石亭還當及西陵朝廷燕賜終日上脫翠帽以賜

遜時同羣臣 朝謁而服之 ○晉因之 ○宋制黑帽綴紫標標以繒

為之長四寸廣一寸後制高屋白紗帽 ○齊因之 ○

梁因之制頗同至於高下翅之卷小異耳以白紗為

之 ○陳因之天子及士人通冠之白紗者名高頂帽

皇太子在宮則烏紗在末福省則白紗又有繒皂雜

紗為之高屋下裙蓋無定准又制岑帽靴各五章師

長服之 ○後魏咸著突騎帽如今胡帽垂裙覆帶蓋



索髮之遺象也又文帝頂上癩疾不欲人見每常著
焉時為雅服小朝公宴咸許戴之○隋文帝開皇初
嘗著烏紗帽自朝貴已下至于冗吏通著入朝後復
制白紗高屋帽接賓客則服之大業中令五品以上
通服朱紫是以烏紗帽漸廢貴賤通服折上巾按後漢郭
林宗行遇雨露巾角折周武帝建德中因制折上巾○大唐因之制白紗帽
又制烏紗帽視朝聽訟宴見賓客則服之

葛巾

角巾○東晉齊陳北齊

東晉制以葛為之形如恰而橫著之尊卑共服太元
中國子生見祭酒博士冠角巾○齊依之其角巾末
立學王儉○陳依之○北齊依之自後無聞

幅巾


練巾後周黃巾○後漢

後漢末王公名士以幅巾為雅是以袁紹崔豹之徒
雖為將帥皆著練巾時有妖賊以黃為巾時謂之黃
巾賊按中六國時趙魏之間通謂之承露袁紹戰敗
幅巾渡河按此則庶人及軍旅皆服之用全幅
帛而向後幘髮謂之○後周武帝因裁幅巾為四脚
頭巾俗人謂之幘頭

○大唐因之

巾子

大唐武德初始用之初尚平頭小樣者天授二年武
太后內宴賜羣臣高頭巾子呼為武家諸王樣者龍
朔四年三月中宗內宴賜宰臣已下內樣巾子其樣
踏皇帝在藩時所服
人號為英王踏樣



杜氏通典卷第五十七終

所
圖
書

不 許 複 製

NOT TO BE REPRODUCED

東京大学東洋文化研究所